



温州市图书馆  
WENZHOU LIBRARY



温州市图书馆

WENZHOU LIBRARY

鴈山百詠  
潘耒著



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

鴈山百詠

鴈宕山名勝至多一峰一石各自標奇非大扁長律所能  
綜括若賦此遺彼則呈漏竇多因就遊屐所到各題一絕  
意有不盡則疊二疊三以至於十凡百題得詩百三十首  
其非所目觀與目觀而不知其名者皆不及詠以俟後遊焉

老僧巖

一峰卓立亂雲中圓頂方袍面面同欲表鴈山為佛窟先於谷口

露真風

石梁洞

巖腹穹窿古洞開暗泉垂乳滑莓苔飛梁百尺橫空跨疑是蒼龍

飲澗來

謝公嶺

謝客才名滿世間，雜心未許扣玄關。一生不得參蓮社，覲面仍教

欠鴈山

靈運求入蓮社，遠公嫌其心雜不許。

寶冠巖

石骨峻峭盡裂麻，森嚴羽仗對排衙。峰巔畱得天冠在，瓔珞時垂五色花。

含珠巖

石闕嶙峋不可梯，更懸危石拒攀躋。仙關何事煩深鎖，恐有靈文秘紫泥。

雙筍峰

雙筍纖纖玉削成，望如駢榦却分莖。籙龍正有參天勢，又被春雷一夜驚。

照屏巖



鬼斧何年劈巨靈方巖萬丈插青冥百神端笏朝炎帝絳闕中間  
卓玉屏

初月洞

洞口彎環似月牙隔林看去隱殘霞簷端片石垂垂覆倒挂芙蓉  
一簇花

幙頭巖

嶽嶽鋒稜肖鐵冠彈時猶自帶霜寒千尋壁立無階上影駭溪龍  
不敢蟠

石窺巖

石窺昂首入層空俯瞰諸峰勢獨雄儼似牙門排劍戟中確一燾  
擁元戎

靈峰寺

看山看到靈峰寺始覺天公是幻師  
幻出千峰如蜃市教人難畫  
飯難詩

偶來絕境暫盤桓便覺身輕插羽翰  
羨殺山僧高掛鉢一生長是  
倚簷者

羅漢洞

裂石千尋洞腹寬金容肅穆坐層欄  
電光一線天門闢遙見瓊樓  
濯露寒

踏盡飛梯透卷簷須知洞頂即峰尖  
若於雲表承清露何似天心  
吸水簾

鳳凰峰

成鳳何年下覽輝翹冠獨立羽葳蕤  
丹山未若靈山好莫戀將雛  
又吐飛

五老峰

五老駢肩復接蹤披雲拂露意從容想因貪看諸峰巧不覺年深亦化峰

南碧霄洞

玉洞陰涵太古春石膚皴裂作龍鱗鱗間大有題名在得到仙山總後人

靈芝峰

亭亭獨立狀靈芝轉側看來面面奇選盡千峰無比秀石如能妬亦孤危

蹲虎峰

舊說山君百獸尊嘯風一蹴上天門自從聽得靈山法斂盡雄心帖地蹲

駱駝巖

常看駝脊峰相似今見峰形曲似駝穩卧綠蘿芳草裏肯隨鐵騎渡交河

鬪鷄石

力角雌雄未可量剽姿悍氣略相當天鷄不入關元隊萬仞岡頭作鬪場

利牙峰

石作牙鋒銳不羣豁開齧齧透蒼旻嚼雲漱月偏高潔懶與頑仙作齒芬

果盒巖

圓石中分一線橫磨盤果盒總堪名獨將渾璞參芒穎奇陣中間出正兵

風洞

列岫中虛一穴通  
溫涼不斷四時風  
莊生放筆談天籟  
不解于禺出此中

照膽潭

一碧涵空水至清  
秦宮照膽鏡分明  
靈鯁不肯貪香餌  
獨自潭心掉尾行

白雨潭

潭懸飛瀑響如雷  
入夜常如驟雨來  
幾度夢中驚起看  
一泓明月浸蒼苔

觀音峰

大士化身千百億  
石能肖像卽安名  
鸚哥童子初無意  
亦藉天工巧塑成

北碧霄洞

孤標一笋入天心  
笋內空涵玉洞深  
梵宇中藏看不見  
鐘魚飄出海潮音

將軍石

碧霄院對數峰佳  
簇似笙簧衆管排  
頂入青天同一色  
終年不受白雲埋

大筆峰

獨管單抽銳復圓  
窳誇入夢大於椽  
仙家別有凌空手  
畫出卿雲絢九天

真際寺

澗路陰森萬木稠  
無塵古寺最清幽  
山僧不見但供茗  
蒲院蛩鳴如早秋

五馬峰

穆王八駿何曾到漢武千羣豈得來  
獨有馱經諸駿骨嘶風盡日對香臺

石碑巖

峯頂曾看沒字碑此巖鐫削復因誰  
磨崖肯辱斯高手待勒新宮絕妙辭

頂珠峰

圓石誰將峰頂安情知不落亦孤寒  
漢皇要吸三霄露特敕金人捧玉盤

淨名寺

淨名寺路最蕭森門掩松篁積翠深  
頭白山僧藏古蹟烹泉掃石與披尋

荷葉峰亦名眼

牛峰

削立孤巖千丈餘  
窳知巖脚四垂虛  
但延日月無風雨  
天與禪人作淨居

霞城嶂

斑瀾紫翠一屏懸  
髻殘霞襯碧天  
不似赤城純赤色  
薄施丹彩更鮮妍

石城嶂

石作連城澗作濠  
峩峩萬雉插天高  
城頭不測何仙住  
時有香風墜碧桃

水簾洞

洞懸巖乳石累累  
迸落幽泉脚散垂  
竟日漏痕聞點滴  
長如簷際雪消時



向

一線天

洞對圓峰恰一丸  
露天如月蝕將殘  
從來遊客麤疎甚  
只句山根仰面看

維摩洞

高俯諸峰一洞尊  
雲牀泉井儼然存  
維摩說法人聞否  
削壁中間不二門

仙人橋

懸崖斷處仰攀窮  
忽見飛橋架半空  
畢竟升天還有路  
仙衣輕颺六銖風

藥杵峰

銀漢低垂繞碧巒  
清光不礙月團圓  
一從竊藥姮娥去  
玉杵拋來別殿寒

行道廊

樓閣天成象寶坊更標一徑作迴廊峰根瘦削蓮花蒂千匝經行  
繞蒂長

響巖

雙崖束斷白雲層聲蓄硿中出不能長嘯劃然山答響只疑天際  
有孫登

聽詩叟

山頭石丈不凡姿側耳掀髯愛聽詩泉瀨松風真妙句點頭惟有  
此翁知

卧龍溪

數里清溪湛若空龍鱗細蹙白蘋風不辭百過褰裳涉身在銀河  
皓影中

鐘鼓巖

天然鐘鼓肖形模長為靈山倒刺扶萬大華鯨俱毀到不知能毀  
兩巖無

鉢盂巖

鷄足山中藏不住詎那掌上託還來當前應器無人執天與飛泉  
洗鉢來

展旗峰

橫崖千丈映朝暎大旆當風獵獵翻舒去卷來仙掌裏掃清雲霧  
豁天門

天柱峰

孤標一柱混茫中不與修繡家爭同大巧并無雕鏤迹擎天畢竟  
是誰功

雙鸞峰

籠篔玉笋上無梯頂有雙鸞  
翻齊棟盡瑤岑與珠樹孤高只愛  
此峰樓

玉女峰

雲鬢玉骨淨無塵帝女高居迥絕鄰  
不比巫峰態妖冶幻將雲雨  
惑騷人

獨秀峰

千尺亭亭立不欹端巖勁直自天姿  
貞臣播笏風標似玉筍中間  
第一枝

卓筆峰

筆端銳欲掃千軍卓立蒼崖秀不羣  
盡日書空人不見石飛泉立  
總奇文

潭

平霞嶂

削成丹嶂界青冥錯錦堆霞燦一屏端笏象峰旁拱立諸天於此  
作殊庭

小龍湫

坐聞雷雨響晴空望若青天挂斷虹攀盡危崖泉始見飛揚縹緲  
總隨風

非煙非霧結成團亂迸明珠著面寒噴落九天無倚著一回飄灑  
一盤桓

龍鼻泉

畫龍畫盡蟠拏勢不及天然石骨奇尾卓雲中垂一爪儼如潭底  
攫珠時

石能透孔龍方活孔解懸泉鼻始靈迸出蒼龍真玉髓九霄仙露

共清冷

玉骨青滴碧蘚滋日移松影  
遲遲故將一顆懸珠貴闕取千尋

裂帛奇

龍蟄深山不記年尚能噓氣作靈泉風雷有日冲霄去一滴還堪

潤八埏

天聽洞

靈洞無蹤不可尋亂披榛莽入峰陰巖欹壁窄蛇行上透入峰心

卷耳深

洞頂窮時窻孔明窻間樹影翠交橫下窺一穴深無底見說潛通

到赤城

踏盡天梯最上關只言此境少人攀苗常好事先於我斜刻題名

碧蘚間

洞中有苗伯起  
常寶臣題名

僧拜石

片石輪囷作勢奇，老僧參請具威儀。  
清狂我亦如顛米，見石還多獨拜時。

蟾蜍峰

海上靈姿見玉蟾，何因高路此峰尖。  
月中涼影貪相對，時有銀光透碧纈。

安禪谷

坐有盤陀飲有泉，天成石室好安禪。  
不知寶掌生千歲，此地端居幾百年。

靈巖寺

靈巖坐擁衆奇峰，天下名巖此最雄。  
可惜劫灰零落盡，把茅孤露畫屏中。

見說枯僧解說禪  
郡侯新與買山錢  
我來不遇空題壁  
自拾松薪煮瀑泉

石屏風

山因遠寺半無名  
萬笏千畦盡削成  
喚作石屏殊樸畧  
圖經誰與細披評

小剪刀峰

織女朝朝理七襄  
裁成雲錦爛天章  
倦拋玉剪凌空墜  
猶帶霞紋五色光

觀音髻

海舶看來第一峰  
翠如螺髻縮重重  
只愁絕頂窺難見  
每被閑雲盡日封

芙蓉峰



列筍中間秀一峰含葩欲綻玉芙蓉白雲如水天如蓋人在金臺  
第幾重

雙髻峰

佛頭青出白雲幻雙髻盤盤覆玉毫真相由來難見頂更無人測  
此峰高

獅子鼻

獅子橫身古路邊雙懸鼻孔漫撩天洩雲吐霧多靈異膽落妖狐  
不敢前

飛來羅漢

應真亦自愛仙山一葉浮來住不還萬仞岡頭看飛瀑絕勝危坐  
法筵間

誦經巖

日照香臺霧不生，忽聞天上誦經聲。  
何方童子棲巖頂，水月光中自在行。

羅漢寺

谷內鐘聲谷外聞，寺藏松檜路難分。  
山僧不乞人間米，自決清泉種白雲。

滿川笙鼓鬧龍舟，何似仙山頂上遊。  
一鉢伊蒲分佛供，薄雲疎雨

看龍湫

時值蒲節

戴長峰

南紀山高戴北長，煙籠霧蓋看難真。  
何當直上峰巔望，大地平鋪作白銀。

火焰峰

羣峭都如火，樹炎茲峰焰動更纖纖。  
化為慧炬燈燈續，無相光中

有妙巖

燕尾潭

重重飛瀑穿巖下  
恰到潭邊燕尾分  
影落寒潭清徹底  
還如白燕掠蒼旻

斤竹澗

澗名曾入謝公詩  
白日清漪信可怡  
方竹一枝僧斲贈  
丁廩莫過化龍坡

能仁寺贈漢梅禪師

芙蓉古剎萬山尊  
不斷心燈聚此門  
寶所可憐逢壞劫  
八菴零落一鍋存

頭白梅公住祖堂  
十年辛苦築空梁  
知君有意為全了  
緣薄唯憑願力長

常雲峰

常雲高峻切蒼穹絕頂常教紫霧籠  
偶遇晚晴都揭露帝青寶簇  
玉盤中

天柱峰贈雲峰禪師

古剎銷沉已百年團焦新構碧溪邊  
休公遯迹耽吟眺樹下題詩  
葉作箋

雲舒雲卷本無心門草無妨一丈深  
解弄無絃琴一曲詎那尊者  
是知音

錦溪

清溪無草亦無沙石齒鱗鱗削玉斜  
倒卧龍湫天上水縈成綺練  
激成花

千佛巖

一簇雲屏秀蔚藍齊抽玉笋碧氈氈千華座土標千佛誰住童真  
得福叅

樹巖

嵩山漢柏枝如鐵岱頂秦松榦若龍不似茲巖偏怪偉雲皴霜剝  
百千重

道松澗

洞敞懸崖俯萬松松陰不隔翠微峰老僧留我銷長夏水滌肝腸  
雪鍊容

瑞鹿峰

不見熙寧古道場枯楓亂竹鬱蒼涼山頭瑞鹿還歧嶽獨自銜花  
供法王

閻王鼻

醜石枯槎怪百端  
鐵圍變相盡應難  
何人摸得閻王鼻  
劍樹蓮花一色看

大剪刀峰

障日危峰掠面來  
銛鋒搖動合還開  
霞紋嵐彩朝朝變  
知是天公費剪裁

側對橫看步步移  
石帆天柱一峰為  
夏雲善幻應如許  
不道人間有此奇

鐵城峰

削壁為城黑四圍  
日臨鐵甕澹無輝  
行當骨冷神寒處  
忽見長虹捲地飛

大龍湫

聞說龍湫瀑布雄  
一回親見說神工  
懸空瀉落無根蒂  
盧嶽天台

迥不同

輕於霧縠薄於綃碎剪銀絲萬萬條倒捲迴飛難著地層層盤舞  
下三霄

澄潭數畝傍巖開水注潭心響若雷躍起更為衝激勢馳馳霧捲  
逐人來

忽為直瀉忽橫鋪谷口風來應嘯呼忽更斜飛無處所隨風散作  
滿天珠

空靈變幻總如神天上生龍不可馴說與世人渾不信漫誇玉練  
與天紳

水簾谷

左壁千尋飛瀑下右巖數點水簾垂天公手筆嫌重複故裂輕綃  
作散絲

証那亭

大阿羅漢心無住亦愛龍湫面壁觀一定千年猶未起誰於耳畔  
指輕彈

觀不足亭

左看天柱右龍湫天下神奇指掌收盡道一生看不足何人信宿  
此淹留

石門潭

削立雙崖闔扇開飛泉百道震轟雷石痕盡作盤拳勢曾透乖龍

爪甲來相傳石門是龍觸開

獅巖

巍峩當路一獅蹲萬虎千熊氣欲吞不是空王調御力便應騰蹶  
到天門



象巖

截流香象勇無遮  
穩臥深山獨蛻牙  
肯戀金門三品料  
隨他仗馬共排衙

望天貓

盡貓未若茲峰肖  
聳耳昂頭喚不回  
莫是空中有天鼠  
騰身欲與捕除來

鴈湖

鴈湖盡道險無倫  
荆棘漫山古路湮  
畢竟登山須到頂  
何妨身作鑿空人

苦雨連綿應禱休  
一僧作導便堪遊  
貫虹射石憑吾勇  
無宿無餐百不憂

越嶺踰溪路幾盤  
攀藤梯石不斷難  
一筇透入猿狐穴  
贏得樵夫

膽亦寒

歷盡懸巖與削崖天棺橫塞峻無階奮身獨上三千尺點額餘人

不得偕

山絕處名  
天棺巖

透過重關路却平翩翩真似御風行蒼龍脊上飛騰過方見澄湖

一片明

九天之上九淵藏此理憑何著揣量始信西荒星宿海河從地湧

發源長

湖是靈湫碧一泓只嫌葑草作叢生何當淨洗淤泥出夾鏡交光

相照清

誰道經秋鴈始來只今棲宿不曾回裂雲飛起一行去久斷人蹤

應見精

萬山怙怙海沉沉身在瓊臺俯首臨一嘯天風飄下界却疑雲際

有龍吟

塔寺平沉語浪傳。卧雲縛屋住經年。明季卧雲禪師曾結茅湖畔未能遺世棲

峰頂。暫作瑤池半日仙。

自性沙彌導游鴈湖酬以二絕

舉世無人識鴈湖。小師奮勇破荒途。五丁一斧蠶叢闢。驚起眠龍與宿鳧。

重重扶我過危巒。歷盡房顏不覺難。親濯湖波唯爾表。世人都向畫圖看。

重過大龍湫觀瀑布

久住欣逢宿雨開。仙山一去幾時來。龍湫飛瀑真尤物。更著芒鞋看一回。

急雨連宵捲白波。瀑添新漲勢傾河。一潭盡作明珠沸。飛沫飄來

隔岫多

卷煙成片雪成團  
滾滾從空落玉盤  
更被曛曛晴日照  
珊瑚網映碧琅玕

瀑噴巖頭幾丈離  
循巖側立看方知  
更於湫內憑空望  
天際龍髯冉冉垂

扶隱披潛薄有情  
巖腰高處見題名  
白雲菴路無人識  
恨不龍湫背上行

重過靈峰寺

雁山名蹟披尋遍  
回看靈峰畢竟靈  
却似讀殘諸子史  
重翻莊論與騷經

欲去還逢宿雨留  
細評泉石是良謀  
梯航他日重相訪  
何似衝泥更一遊

清籟軒贈曇芳上人

泉響松濤入夢清  
夜聞風雨曉還晴  
道人面壁終年聽  
聽到無聲始識聲

贈栢林上人

傾蓋相依總宿緣  
最難山水共周旋  
與君旬日同遊屐  
三笑為圖好竝傳

燒笋烹葵味不窮  
苾芻真率是家風  
他年一枕仙山夢  
長在靈芝瘦影中

白溪出山

白溪新漲白於煙  
猶是靈峰澗下泉  
十里雁山遮復露  
多情相送到江邊

乍來直似逢仙偶  
再到應如遇故人  
莫漫登程悵離別  
別時重見

轉鮮新

贈東甌守劉裕公

永嘉風土最清嘉  
雅稱君侯擁絳紗  
夢草詩成賓從服  
換鸞書出吏民誇  
海雲飛處頻開閣  
訟牒空時早放衙  
最是心清堪卧治  
隨車靈雨沛桑麻

單騎行田鳥不驚  
評泉品石最多情  
龍湫晚立看虹飲  
玉甌宵眠待日生  
屬吏每參文酒會  
新詩常對簿書成  
風流文采如蘇白  
不使前賢獨擅名

李烈婦

烈婦吳氏樂清貢士李應官之妻  
戊子歲避亂平陽過芙蓉江被掠欲自沉  
恐不得脫乃探簪珥散擲兵爭攫取之  
躍入水死時李生在玉甌峰夢婦泣語曰  
君在此吾已至

蕭家渡矣亟歸求屍果得之蕭家渡逆流四十里經十日

顏如生

羅陽山頭虎怒嘯橫陽江邊人遁逃兵來截江若風雨殺人  
不殺紅顏女李家新婦閨中英求死不得機智生亂擲釵鈿  
餅貪卒躍入江心葬香骨江流赴海如驚弦風濤茫茫去無  
邊如何烈婦屍逆流上清川夢告良人山之顛經旬如生神  
凜然乃知貞魂毅魄死不滅訶護蛟龍召霜雪君不見清  
風嶺曹娥渡千秋下拜人無數更添烈婦廟蓉江夜夜潮  
頭拍天怒

平陽學博沈升及招飲署齋

愛君官舍似園居雲入軒窓鳥下除畱客江天梅熟後開  
尊竹閣雨涼初清宵正好談山水冷署猶賢對簿書爽氣  
朝來情不淺門生隨處擁籃輿

巖九臨見贈長句走筆答之

巖安才藻重頻洲年少翩翩負笈遊賓館有魚千里近海天多雨  
四時秋贈來佳句珠盈把看盡奇峰月滿樓乍辨芒鞋能試否攜  
琴同上雁山頭

仙巖飛瀑

仙巖飛瀑天下雄溪山第一題海翁我浮扁舟湖新漲溪迴谷轉  
聞疎鍾龐眉導師此卓錫芟除榛莽開琳宮相逢一笑如夙契孤  
筇導客穿雲松奇峰齧天虎牙豁怒瀑震地雷車轟渴虹千尺挂  
天矯冰綃百福懸瓊瓏時隨迴飈飛沫梅天疎雨飄濛濛更尋  
雷潭攀絕壁巖腹甕剖中嵌空俯窺沉沉黑無底轉石下墜聲鏗  
磴遙看白波落雲際龍鬚冉冉垂天風三潭境界各清絕冰壺洗  
面雪濯胸我登雁山及玉甌已詫鑿劃煩神工不圖南遊復見此



天公巧幻真無窮  
禪師兀坐萬緣息  
話到山水還飛翀  
選徧千巖獨棲此  
詎那觀瀑將無同  
一宿繩牀冷心魄  
朝來欲別愁怱怱  
奇峰秀壑領不盡  
剪取匹練懸窓中

寶巖十景

石門鎖翠

石壁暗藏門遙看絕塵鞅  
唯容透關人披雲自來往

雲端化城

秘洞穿天心飛樓排月面  
撥盡萬重雲別峰許相見

北峰春秀

峰峰遙拱抱嵐翠日鮮新  
不斷花開落長畱萬古春

東谷夏陰

大地皆炎蒸此中獨涼冷  
人境兩忘時爐炭成冰井

西崖秋爽

西山如畫障，挂我矮簷端。  
落盡蕭蕭木，蒼然玉骨寒。

南屏冬日

蒼崖不耐冷，曝背過三冬。  
透漏真消息，梅花破雪封。

中臺夜月

何地無明月，閑看只此臺。  
清光與孤影，徹夜兩徘徊。

靈谷傳聲

懶與世人談，聊共片石語。  
問答無異音，歷然具賓主。

石筍流霞

奇石卓巖邊，纖纖欲刺天。  
一從成慧炬，無復劫灰然。

青蓮吐瓣

一片亭亭秀，分來千葉花。  
八風吹不墮，長傍法王家。

羅隱洞

玉洞開何代，隔林清磬聞。  
細泉荷卷露，疊石菌堆雲。  
訪古留鴻爪，登危趁鹿羣。  
黃梁炊正熟，一鉢與僧分。

次韻酬天目和高

三過本覺堂，披老真仙才。  
三到芙蓉亭，龐公絕點埃。  
而我無寸長，但愛捫蒼苔。  
喜遇補衲翁，虛空能剪裁。  
跨海渡金鱗，彌天搆香臺。  
仙巖遂三至，松月相徘徊。  
瀑流灑飛雨，潭石鳴轟雷。  
一一皆妙諦，何人不心開。  
飄然孤鴻去，瞥爾閑雲來。  
去來長不隔，法幢永無推。

陸蓋思學博招飲署齋

永嘉舊是人文地，博士元非簿領官。  
署近洞天雲結蓋，家依講舍杏垂壇。  
異書銷夏搜殘帙，薄俸畱賓罄一餐。  
見說鍾磔詩品細，敢將敝帚與君看。

酬鄭孝先林天杓

偶為看山到永嘉欣逢二妙盛才華詞雄梅雨千重瀑筆爛江天  
五色霞拔幟已曾空壁壘潛鱗盜久卧泥沙海邦大雅今寥落著  
述應須滿一車

題名北雁兼南雁落屐松臺復吹臺多愧子長真史筆更慚弘景  
是仙才新知樂似奇書獲好句驚如異錦來千里盍簪良不易布  
飄臨發轉遲回

贈陳星槎

能詩善畫白頭翁意匠真堪敵化工蜃海煙霞生筆底龍湫巖壑  
幻胸中經鋤有子身堪老絹緞為材道不窮贈我雁山圖十幅歸  
裝習習有清風

贈章千巖

雋

多才何意謝浮名廿載江湖索筆行社預香山身未老詩畱輞水  
句逾清依人詎肯輕彈鈇著錄還應做輟耕擬共仙山編遊覽紫  
苔深處並題名

右鶴山百詠以清稼出遂  
初出集第九卷台首  
州錄出  
壬戌三月唐  
以心以有衣

Vertical columns of text within a blue border, likely bleed-through from the reverse side of the page. The text is faint and mostly illegible due to fading and the nature of the paper.

Wenzhou Library stamp

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY





温州市图书馆

WENZHOU LIBRARY



温州市图书馆

WENZHOU LIBRARY

温州市图书馆

WENZHOU LIBRARY



温州市图书馆

WENZHOU LIBRARY